

Teitl: Priodasau a Phartneriaethau Sifil yn yr Awyr Agored IA: MoJ016/2021 Cyfeirnod RPC: Amh. Adran neu asiantaeth arweiniol: Y Weinyddiaeth Gyfiawnder Adrannau neu asiantaethau eraill: Y Swyddfa Gartref (Swyddfa Gofrestru Gyffredinol)	Asesiad Effaith (AE) Dyddiad: Dydd Llun 15 Mawrth 2022 Cam: Terfynol Ffynhonnell ymyrraeth: Domestig Math o gam gweithredu: Is-ddeddfwriaeth Manylion cyswllt ar gyfer ymholiadau: outdoorweddings@justice.gov.uk
Crynodeb: Ymyrraeth ac Opsiynau	Barn RPC: Amherthnasol

Cost yr opsiwn a ffafir (neu'r un sydd fwyaf tebygol) (ar sail prisiau 2021)

Cyfanswm Cyfredol Gwerth	Net y	Gwerth Presennol Net y Busnes Amh	Cost net i'r busnes bob blwyddyn Amh.	Statws Targed Effaith Busnes Darpariaeth reoleiddio nad yw'n cymwys
--------------------------------	----------	--------------------------------------	--	---

Beth yw'r broblem dan sylw? Pam mae angen i'r llywodraeth weithredu neu ymyrryd?

Ym mis Mehefin 2021, gosododd y Llywodraeth Offeryn Statudol (OS) i ddiwygio Rheoliadau Priodasau a Phartneriaethau Sifil (Safleoedd Cymeradwy) 2005 i ganiatáu i seremonïau priodas sifil a phartneriaeth sifil ddigwydd yn yr awyr agored, mewn "ardaloedd awyr agored cysylltiedig" ar safleoedd cymeradwy. Roedd yr OS yn ceisio helpu'r sector priodasau i adfer ar ôl effaith Covid-19, drwy roi mwy o ddewis i gyplau a lleoliadau i ateb y galw am seremonïau mwy. Mesur dros dro oedd yr OS gwreiddiol a fydd yn dod i ben ar 5 Ebrill 2022, sy'n golygu ar ôl y dyddiad hwn a heb estyniad, na fydd priodasau awyr agored a phartneriaethau sifil yn bosibl mwyach, ac y byddai'r hyblygrwydd ychwanegol a roddir i leoliadau a chyplau drwy'r OS cychwynnol yn cael ei gollu. Felly, mae angen i'r Llywodraeth ymyrryd er mwyn gwneud i'r newidiadau hyn ymestyn yn amhenodol y tu hwnt i'r dyddiad hwn. Credwn fod hyn yn angenrheidiol er mwyn parhau i gefnogi'r sector priodasau a phartneriaethau sifil a rhoi mwy o ddewis i gyplau sy'n dymuno priodi a ffurfio partneriaethau sifil. Mae'r Llywodraeth hefyd yn cynnig ymestyn yr opsiwn o ganiatáu seremonïau yn yr awyr agored i briodasau crefyddol drwy Orchymyn Diwygio Deddfwriaethol ar wahân, a fyddai'n rhoi dewis a hyblygrwydd tebyg i gyplau sy'n dymuno cael priodasau crefyddol ac i'r cyrff crefyddol sy'n eu gweinyddu.

Beth yw amcanion polisi'r cam gweithredu neu'r ymyriad a'r effeithiau a fwriedir?

Amcan y polisi yw sicrhau bod y ddarpariaeth ar gyfer seremonïau priodas sifil a phartneriaeth sifil yn yr awyr agored yn parhau am gyfnod amhenodol ac yn cael ei hymestyn i briodasau crefyddol. Byddai'r cynigion hefyd yn galluogi cyplau i gael mwy o ddewis o ran lleoliad eu seremonïau, ac yn rhoi mwy o hyblygrwydd i adeiladau cymeradwy a chyrrff crefyddol o ran y lleoliadau ar gyfer seremonïau os ydynt yn dewis cynnig hynny. Byddai'r cynigion yn dileu'r cyfyngiadau deddfwriaethol sy'n mynnu bod y rhan fwyaf o seremonïau priodas a phartneriaeth sifil yn cael eu cynnal dan do gan felly hyrwyddo effeithlonrwydd yn y sector. Er mwyn osgoi gweithdrefnau rheoleiddio ychwanegol ar y cam hwn, byddai'r polisi'n dod i rym drwy bennu'n awtomatig bod lleoliadau dan do a ganiateir ar hyn o bryd yn cynnwys lleoliadau awyr agored o fewn terfynau'r eiddo. Bydd y Llywodraeth yn ystyried yr achos dros ddiwygio mwy cynhwysfawr a pharhaus unwaith y bydd Comisiwn y

Pa opsiynau polisi sydd wedi cael eu hystyried, gan gynnwys unrhyw ffyrdd eraill yn lle rheoleiddio? Rhwch gyfiawnhad dros yr opsiwn a ffafir (mae rhagor o fanylion yn y Sylfaen Dystiolaeth)

- **Opsiwn 0: Gwneud dim (llinell sylfaen):** Gadael i'r OS presennol ddod i ben ar 5 Ebrill 2022.
- **Opsiwn 1:** Diwygio Rheoliadau Priodasau a Phartneriaethau Sifil (Safleoedd Cymeradwy) 2005 ('Rheoliadau 2005') drwy OS newydd a fyddai'n cael effaith amhenodol.
- **Opsiwn 2:** Diwygio deddfwriaeth gan gynnwys yn bennaf Ddeddf Priodasau 1949 drwy Orchymyn Diwygio Deddfwriaethol i ganiatáu priodasau crefyddol yn yr awyr agored o fewn tir mannau addoli lle mae'n rhaid i briodasau crefyddol gael eu cynnal ar hyn o bryd.

Opsiwn 1 a 2 yw'r opsiynau sy'n cael ei ffafrio gan mai nhw sy'n bodloni'r amcanion polisi orau.

A fydd y polisi yn cael ei adolygu? Mae'n bosibl, yn dibynnu ar ganlyniad Adolygiad Comisiwn y Gyfraith dyddiad: Amh.

A yw'r mesur hwn yn debygol o effeithio ar fuddsoddi a masnach ryngwladol?	Na			
A yw unrhyw rai o'r sefydliadau hyn o fewn eu gwmpas?	Micro Ydy	Bach Ydy	Canolig Ydy	Mawr Ydy
Beth yw'r newid CO ₂ cyfatebol mewn allyriadau nwyon tŷ gwydr? (Cyfwerth â miliwn tunnell o CO ₂)	Wedi'i fasnachu:		Heb ei fasnachu: Amh.	

Rwyf wedi darllen yr Asesiad Effaith, ac rwyf wedi fy modloni ei fod, ac ystyried y dystiolaeth sydd ar gael, yn rhoi barn resymol am gostau, buddion ac effaith debygol yr opsiynau pennaf.

Llofnod y Gweinidog cyfrifol

..... Dyddiad:

Crynodeb: Dadansoddiad a Thystiolaeth

Opsiwn Polisi 1

Disgrifiad: Diwygio Rheoliadau Priodasau a Phartneriaethau Sifil (Safleoedd Cymeradwy) 2005 ('Rheoliadau 2005') drwy OS newydd a fyddai'n cael effaith amhenodol.

ASESIAD ECONOMAIDD LLAWN

Blwyddyn Sail Brisiau 2024	Blwyddyn Sylfaen y Gwerth	Cyfnod Mewn Blwyddoedd	Budd Net (Gwerth Presennol (PV)) (£m)		
			Isel Amh.	Uchel Amh.	Amcangyfrif Gorau:

COSTAU (£m)	Cyfanswm (Pris	Trawsnewid Cyson)	Cyfartaledd (heb gynnwys pris trosiannol)	Blynyddol (Pris	Cyfanswm (Gwerth Presennol)	Cost
Isel	Amh.	Amh.	Amh.		Amh.	
Uchel	Amh.		Amh.		Amh.	
Amcangyfrif Gorau	Amh.		Amh.		Amh.	

Disgrifiad a graddfa'r costau allweddol â gwerth ariannol yn ôl y 'prif grwpiau yr effeithir arnynt'
Nid yw wedi bod yn bosibl mesur unrhyw gostau â gwerth ariannol sy'n gysylltiedig â'r opsiwn hwn.

Costau allweddol eraill heb werth ariannol yn ôl y 'prif grwpiau yr effeithir arnynt'

Bydd lleoliadau â safleoedd addas sy'n dymuno cael cymeradwyaeth newydd neu adnewyddu cymeradwyaeth sy'n cynnwys gofod awyr agored yn wynebu costau amser ychwanegol wrth ddarparu cynllun sy'n dangos amlinelliad o ffiniau eu safleoedd, a gallai lleoliadau wynebu cost amser yng nghyswllt yr arolygiad a'r cadarnhad bod yr ardaloedd awyr agored cysylltiedig yn 'weddus ac urddasol' cyn unrhyw seremoni. Efallai y bydd lleoliadau sy'n dewis cynnig seremonïau yn yr awyr agored ar eu safleoedd cymeradwy yn wynebu mân gostau sy'n gysylltiedig â chynnal a chadw lle wrth gefn os bydd tywydd garw. Fodd bynnag, rydym yn disgwyl mai dim ond y cwmnïau hynny sy'n gallu gwrthbwysu'r costau hyn yn ddigonol drwy gynnig amrywiaeth ehangach o briodasau neu

BUDDION (£m)	Cyfanswm (Pris	Trawsnewid Cyson)	Cyfartaledd (heb gynnwys pris trosiannol)	Blynyddol (Pris	Cyfanswm (Gwerth Presennol)	Buddion
Isel	Amh.	Amh.	Amh.		Amh.	
Uchel	Amh.		Amh.		Amh.	
Amcangyfrif Gorau	Amh.		Amh.		Amh.	

Disgrifiad a graddfa'r buddion allweddol â gwerth ariannol yn ôl y 'prif grwpiau yr effeithir arnynt'
Nid yw wedi bod yn bosibl mesur unrhyw fuddion â gwerth ariannol sy'n gysylltiedig â'r opsiwn hwn.

Buddion allweddol eraill heb werth ariannol yn ôl y 'prif grwpiau yr effeithir arnynt'

Byddai cyplau sy'n priodi neu'n ymrwmo i bartneriaeth sifil mewn Safle Cymeradwy yn elwa o ddewis ychwanegol o ran lle byddai eu seremoni'n cael ei chynnal. Gallai effeithiau cystadleuaeth annog lleoliadau heb ofod awyr agored i ostwng eu prisiau er mwyn aros yn gystadleuol. Bydd hyn hefyd o fudd i gyplau sy'n priodi neu sy'n ymrwmo i bartneriaeth sifil.

Tybiaethau/sensitifrwydd/risgiau allweddol Cyfradd Ddisgownt (%)	Amh.
---	------

At ddibenion yr Asesiad Effaith hwn, tybiwyd na fyddai unrhyw gyfyngiadau sy'n gysylltiedig â Covid ar seremonïau priodas yn cael eu hailgyflwyno ar ôl i Opsiwn 1 ddod i rym (6 Ebrill 2022). Os caiff y rhain eu hailgyflwyno, ac yn dibynnu ar eu natur, gall y mesur gynnig manteision i'r diwydiant lleoliadau ehangach drwy ganiatáu priodasau neu bartneriaethau sifil a fyddai fel arall yn cael eu gohirio neu eu hisraddio i fwrw ymlaen os caniateir cynulladau yn yr awyr agored.

ASESIAD BUSNES (Opsiw 1)

Effaith uniongyrchol ar y busnes (cyfwerth â blwyddyn)			Sgôr ar gyfer y Targed Effaith ar Fusnes (darpariaethau cymwys yn unig) £m:
Costau: Amh.	Buddion: Amh.	Net: Amh.	
			Amh.

Crynodeb: Dadansoddiad a Thystiolaeth

Opsiwn Polisi 2

Disgrifiad: Diwygio deddfwriaeth gan gynnwys yn bennaf Ddeddf Priodasau 1949 drwy Orchymyn Diwygio Deddfwriaethol i ganiatáu priodasau crefyddol yn yr awyr agored o fewn tir mannau addoli lle mae'n rhaid i briodasau crefyddol gael eu cynnal ar hyn o bryd.

ASESIAD ECONOMAIDD LLAWN

Blwyddyn Brisiau 2021	Sail	Blwyddyn n Sylfaen y Gwerth	Cyfnod Mewn Blynnyddoe	Budd Net (Gwerth Presennol (PV)) (£m)		
				Isel Amh.	Uchel Amh.	Amcangyfrif Gorau:

COSTAU (£m)	Cyfanswm Pris Trosiannol		Cyfartaledd Blynnyddol (heb gynnwys pris trosiannol)	Cyfanswm Cost (Gwerth Presennol)
Isel	Amh.	Amh.	Amh.	Amh.
Uchel	Amh.		Amh.	Amh.
Amcangyfrif Gorau	Amh.		Amh.	Amh.

Disgrifiad a graddfa'r costau allweddol â gwerth ariannol yn ôl y 'prif grwpiau yr effeithir arnynt'

Nid yw wedi bod yn bosibl mesur unrhyw gostau â gwerth ariannol sy'n gysylltiedig â'r opsiwn hwn.

Costau allweddol eraill heb werth ariannol yn ôl y 'prif grwpiau yr effeithir arnynt'

Ar gyfer y cyrff crefyddol hynny fyddai angen cofrestru eu mannau addoli gyda'r Cofrestrydd Cyffredinol er mwyn iddynt gael eu defnyddio i weinyddu priodasau (pob ffydd ac eithrio Anglicanaidd, Iddewig a'r Crynwyr), ac sy'n dymuno gwneud ceisiadau newydd oherwydd y posibilrwydd o gynnal priodasau awyr agored ar dir eu mannau addoli, gall cyrff crefyddol neu berchenogion neu ymddiriedolwyr eraill y mannau addoli hynny wynebu cost fechan o ran amser yn gysylltiedig â'r cais am gofrestru. Bydd y gost amser hon ond yn codi mewn mannau addoli nad ydynt wedi'u cofrestru'n barod ar gyfer gweinyddu priodasau, a byddent ond yn dymuno cofrestru os byddai Opsiwn 2 yn cael ei weithredu.

BUDDION (£m)	Cyfanswm Pris Trosiannol		Cyfartaledd Blynnyddol (heb gynnwys pris trosiannol)	Cyfanswm y Buddion (Gwerth Presennol)
Isel	Amh.	Amh.	Amh.	Amh.
Uchel	Amh.		Amh.	Amh.
Amcangyfrif Gorau	Amh.		Amh.	Amh.

Disgrifiad a graddfa'r buddion allweddol â gwerth ariannol yn ôl y 'prif grwpiau yr effeithir arnynt'

Nid yw wedi bod yn bosibl mesur unrhyw fuddion â gwerth ariannol sy'n gysylltiedig â'r opsiwn hwn.

Buddion allweddol eraill heb werth ariannol yn ôl y 'prif grwpiau yr effeithir arnynt'

Bydd cyplau sy'n priodi mewn seremoni grefyddol yn elwa o gael dewis ychwanegol o ran lle gellid ei chynnal, cyn belled bod y corff crefyddol yn cynnig seremonïau awyr agored o'r fath. Gallai effeithiau cystadleuaeth annog mannau addoli heb ofod awyr agored i ostwng eu prisiau er mwyn aros yn gystadleuol. Byddai hyn hefyd o fudd i gyplau sy'n priodi.

Tybiaethau/sensitifrwydd/risgiau allweddol	Cyfradd Ddisgownt (%)	Amh.
--	-----------------------	------

At ddibenion yr Aseiad Effaith hwn, tybir na fydd unrhyw gyfyngiadau sy'n gysylltiedig â Covid ar seremonïau priodas yn cael eu hailgyflwyno ar ôl i Opsiwn 2 ddod i rym. Os caiff y rhain eu hailgyflwyno, ac yn dibynnu ar eu natur, gall y mesur gynnig manteision i gyrrff crefyddol a chyplau sy'n dymuno cael priodasau crefyddol drwy ganiatáu priodasau a fyddai fel arall yn cael eu gohirio neu eu hisraddio i fwrw ymlaen os caniateir cynulladau yn yr awyr agored. Ar sail tystiolaeth gyfyngedig, tybir mai bach iawn fydd graddfa effaith yr opsiwn arfaethedig ar gyrrff crefyddol.

ASESIAD BUSNES (Opsiwn 2)

Effaith uniongyrchol ar y busnes (cyfwerth â blwyddyn)	Sgôr ar gyfer y Targed Effaith ar Fusnes (darpariaethau cymwys yn unig) £m:

Sylfaen Dystiolaeth (ar gyfer taflenni crynodeb)

A. Cefndir

Seremonïau Priodas Sifil a Phartneriaeth Sifil yn yr Awyr Agored

1. Ym mis Mehefin 2021, gosododd y Llywodraeth Offeryn Statudol (OS) a oedd yn diwygio Rheoliadau Priodasau a Phartneriaethau Sifil (Safleoedd Cymeradwy) 2005 ('Rheoliadau 2005') i ganiatáu i seremonïau priodas sifil a phartneriaeth sifil ddigwydd yn yr awyr agored ar safleoedd cymeradwy, mewn "ardaloedd awyr agored cysylltiedig".
2. Cyn y diwygiadau hyn, yn unol â sut roedd Rheoliadau 2005 yn diffinio "safleoedd", roedd yn ofynnol i'r seremonïau gael eu cynnal o fewn strwythur parhaol ansymudol neu ar gwch neu long wedi'i angori'n barhaol a oedd wedi'i gymeradwyo ar gyfer y seremoni, a oedd yn golygu bod gan gyplau lai o hyblygrwydd wrth ddewis ble y cynhaliwyd eu seremonïau.
3. Daeth y newidiadau hyn i rym ar 1 Gorffennaf 2021 a byddant yn dod i ben ar ddiwedd 5 Ebrill 2022. Mae'r Llywodraeth nawr yn ymgynghori ar gynigion i ymestyn y polisi i ganiatáu i briodasau sifil a phartneriaethau sifil yn yr awyr agored barhau am gyfnod amhenodol.
4. Pwrpas yr opsiynau yn yr Asesiad Effaith hwn sy'n ymwneud â phriodasau sifil a phartneriaethau sifil yw parhau i roi mwy o hyblygrwydd i gyplau drwy ganiatáu i bob agwedd ar y seremoni ddigwydd yn yr awyr agored, o fewn ffin y tir y mae'r adeilad adeiledig yn rhan ohono. Bydd hefyd yn parhau i alluogi lleoliadau sy'n cynnig seremonïau sifil i wneud mwy o ddefnydd o'u safle drwy gynnig dewis o seremoni dan do neu yn yr awyr agored i gyplau, fel bod modd pontio'n ddi-dor o'r OS cyfnod penodol cychwynol i'r OS newydd arfaethedig a fydd mewn grym yn amhenodol, cyn belled ag y bo modd.
5. Mae safleoedd cymeradwy yn cynnwys gwestai, clybiau golff a thai hanesyddol, ac mae gan rai ohonynt ardaloedd y tu allan sydd eisoes yn cael eu defnyddio ar gyfer derbyniadau sy'n dilyn y seremoni gyfreithiol mewn ystafell benodol ar y safle. Byddai'r newidiadau arfaethedig yn caniatáu i gwpl gael seremoni gyfreithiol eu priodas neu bartneriaeth sifil yn yr awyr agored mewn ardaloedd ar dir yr un safle. Yn gyntaf, mae'n rhaid i'r awdurdod perthnasol gadarnhau bod y lleoliad arfaethedig ar gyfer seremoni awyr agored yn 'weddus ac yn urddasol' cyn i'r seremoni gael ei chynnal.
6. Nid yw 75% o'r priodasau sy'n cael eu cynnal bob blwyddyn yn rhai crefyddol, ac mae dros 85% ohonynt yn digwydd mewn adeiladau cymeradwy, gyda'r gweddill yn digwydd mewn swyddfeydd cofrestru. Gall partneriaethau sifil ddigwydd naill ai mewn adeilad cymeradwy (a all gynnwys adeilad crefyddol mewn rhai achosion) neu mewn swyddfa gofrestru. Rhagwelir y bydd caniatáu i seremoni gael ei chynnal yn ardaloedd awyr agored cysylltiedig y safle sydd eisoes wedi'i gymeradwyo ar gyfer y seremonïau hyn o fudd i gyplau, a fyddai'n cael mwy o ddewis o ran y lleoliad ar gyfer eu priodas sifil neu bartneriaeth sifil. Byddai hefyd yn cynnig manteision i leoliadau, gan alluogi

busnesau i wneud mwy o ddefnydd o'u safleoedd drwy gynnig dewis o seremoni dan do neu yn yr awyr agored i gyplau.

7. Rhoddodd y Llywodraeth y newidiadau hyn ar waith am y tro cyntaf ym mis Gorffennaf 2021 i gefnogi adferiad y sector priodasau ar ôl cyfyngiadau pandemig Covid-19 a gafodd effaith ddifrifol ar y sector. Gan fod y tymor brig ar gyfer priodasau'n dechrau ym mis Ebrill ac yn para tan ddiwedd mis Medi, daeth y Llywodraeth i'r casgliad ei bod yn bwysig cyflwyno'r newidiadau cyn gynted â phosibl er mwyn rhoi mwy o opsiynau i gyplau a'r sector priodasau o ran lle gellir cynnal seremonïau sifil yn gyfreithiol.
8. Fodd bynnag, ymrwymodd y Llywodraeth i gynnal ymgyngoriad cyhoeddus llawn ar fesurau yn y dyfodol ac i lunio Asesiad Effaith cyn cyflwyno OS pellach, heb gyfyngiad amser, yn ystod gwanwyn 2022. Cynhaliwyd yr ymgyngoriad rhwng 20 Rhagfyr a 24 Ionawr. Y bwriad nawr yw gosod OS arall a fydd yn parhau i ganiatáu'r seremonïau sifil hyn yn yr awyr agored, ac a fydd yn dechrau ar 6 Ebrill 2022, h.y., yn syth ar ôl i'r Offeryn Statudol cyfnod penodol ddod i ben ar 5 Ebrill 2022. Byddai'r OS mewn grym yn amhenodol yn amodol ar unrhyw ddiwygiadau pellach gan y Llywodraeth yn dilyn yr adroddiad sydd i ddod gan Gomisiwn y Gyfraith, a fydd yn cyflwyno opsiynau ar wahân ar gyfer diwygiadau i foderneiddio cyfraith priodas, gan gynnwys sut y gellid cynnal seremonïau mewn ystod ehangach o leoliadau a all weinyddu priodas, sut y gellid ymgorffori priodasau gan ddyneiddwyr a sefydliadau eraill â chred anghrefyddol, a sut y gellid gwneud darpariaeth ar gyfer defnyddio gweinyddion annibynnol.
9. Gan fod y cynnig hwn yn amodol ar weithdrefnau OS cyffredin, ni all y Llywodraeth warantu y bydd yr OS pellach mewn grym erbyn 6 Ebrill 2022. Fodd bynnag, dyma gynnig a bwriad y Llywodraeth, a byddai'r Llywodraeth yn gwneud pob ymdrech i sicrhau trosglwyddiad di-dor o'r rheolau presennol i'r rheolau newydd.

Priodasau Crefyddol yn yr Awyr Agored

10. Mae'r Llywodraeth hefyd yn bwriadu cynnig dewis a hyblygrwydd tebyg i'r hyn sydd ar gael ar gyfer seremonïau sifil i briodasau crefyddol. Mae'n cynnig gwneud hynny drwy osod Gorchymyn Diwygio Deddfwriaethol a fyddai'n caniatáu i briodasau crefyddol gael eu cynnal ar dir manau addoli (ar yr amod bod y cyrff crefyddol perthnasol yn dymuno cynnig priodasau yn y lleoliadau hyn). Byddai'r cynnig hwn yn berthnasol i bob priodas grefyddol, ac eithrio priodasau Iddewig a phriodasau'r Crynwyr, priodasau Anglicanaidd ar awdurdod trwydded arbennig a phriodasau crefyddol eraill ar gyfer y rhai sy'n angheuol wael, lle nad oes unrhyw gyfyngiadau deddfwriaethol ar leoliad y briodas am resymau hanesyddol neu eithriadol.
11. Bwriad y cynnig hwn yw rhoi mwy o hyblygrwydd i gyrff crefyddol a chyplau sy'n dymuno cael priodasau crefyddol, lleihau'r rhwystrau i effeithlonrwydd drwy gynyddu dewis, a darparu manteision tebyg i briodasau crefyddol ag y byddai'r OS arfaethedig i seremonïau sifil yn darparu ar gyfer priodasau sifil a phartneriaethau sifil.
12. Byddai'r newidiadau hyn ar sail ganiataol, sy'n golygu na fyddai rheidrwydd ar unrhyw gorff crefyddol i ddarparu seremonïau yn yr awyr agored. Byddai mesurau diogelu presennol i ddiogelu rhyddid crefyddol yn aros yn eu lle, a mater i gyrff crefyddol fyddai nodi a fyddai angen diwygio eu cyfreithiau neu eu defnydd ac, os felly, beth fyddai eu heffaith ac o fewn pa amserlen.

13. Yn wahanol i'r OS cychwynnol i seremonïau sifil a gynigir uchod, byddai angen newidiadau i ddeddfwriaeth sylfaenol er mwyn caniatáu priodasau crefyddol yn yr awyr agored, a gall hyn gymryd hyd at 24 mis os bydd yn cael ei wneud drwy Orchymyn Diwygio Deddfwriaethol.

B. Sail Resymegol ac Amcanion y Polisi

Rhesymeg

14. Mae'r seiliau rhesymegol confensiynol dros gael y llywodraeth i ymyrryd yn seiliedig ar ddadleuon ynghylch effeithlonrwydd a thegwch. Efallai y bydd y llywodraeth yn ystyried ymyrryd os bydd methiannau o ran y ffordd y mae marchnadoedd yn gweithredu (ee, monopoliâu yn codi gormod ar ddefnyddwyr) neu fethiannau gydag ymyriadau presennol y llywodraeth (ee, gwastraff a gynhyrchir gan reolau wedi'u camgyfeirio). Dylai'r ymyriadau newydd osgoi creu set arall o gostau a gwyrddodau anghymesur. Gall y llywodraeth hefyd ymyrryd am resymau ecwiti (tegwch) ac aildosbarthu (ee, ailddyrannu nwyddau a gwasanaethau i grwpiau mwy difreintiedig mewn cymdeithas).
15. Y brif sail resymegol y tu ôl i'r opsiwn a asesir yn yr Asesiad Effaith hwn yw hyrwyddo effeithlonrwydd drwy ehangu'r dewis. Yn absenoldeb yr opsiynau a ffafirir gan y Llywodraeth, ni fyddai gan unigolion sy'n dymuno cael priodas sifil neu bartneriaeth sifil yr opsiwn i briodi neu ffurfio partneriaeth sifil yn yr awyr agored o 6 Ebrill 2022 ymlaen. Byddai'r opsiynau arfaethedig yn sicrhau bod y dewis hwn yn bodoli am gyfnod amhenodol ar gyfer y rheini sy'n dymuno cael seremoni yn yr awyr agored.
16. Ar hyn o bryd, nid oes cyfle i gyplau sy'n dymuno cael priodasau crefyddol yn ôl crefyddau nad ydynt ar hyn o bryd yn caniatáu priodasau yn yr awyr agored i briodi yn yr awyr agored o gwbl. Byddai'r opsiynau yn yr Asesiad Effaith hwn felly'n hyrwyddo tegwch gan y byddent hefyd yn sicrhau dewis fel yr hyn sydd ar gael i'r rhai sy'n dymuno cael priodasau sifil a phartneriaethau sifil i'r rhai sy'n dymuno cael priodasau crefyddol yn y crefyddau hynny nad ydynt yn caniatáu priodasau yn yr awyr agored ar hyn o bryd, os bydd y crefyddau hynny'n dewis cynnig y dewis hwn.
17. Byddai'r cynigion yn lleihau unrhyw feichiau gweinyddol ychwanegol ar leoliadau cymeradwy, awdurdodau cofrestru lleol neu gyrff crefyddol. Byddai'r beichiau gweinyddol ychwanegol ar safleoedd cymeradwy yn cael eu lleihau drwy gymeradwyo mannau awyr agored yn awtomatig ar gyfer safleoedd cymeradwy presennol (yn achos priodasau/partneriaethau sifil) neu ar gyfer mannau addoli lle mae'n rhaid i briodasau crefyddol gael eu cynnal ar hyn o bryd. Gan na fyddai'r dewis ychwanegol hwn yn gosod unrhyw feichiau newydd sylweddol, mae'r cynigion yn yr Asesiad Effaith hwn yn cynnig gwelliannau o ran effeithlonrwydd.

Amcanion Polisi

18. Dyma'r amcanion polisi cysylltiedig:

- I ddileu'r cyfyngiadau deddfwriaethol sy'n mynnu bod y rhan fwyaf o seremonïau priodas a phartneriaeth sifil yn cael eu cynnal dan do, a drwy hynny hybu effeithlonrwydd yn y sector drwy alluogi cyplau i gael mwy o ddewis o ran

lleoliad eu seremonïau, ac i gyrff crefyddol gael mwy o hyblygrwydd yn y lleoliadau ar gyfer seremonïau os ydynt yn dewis cynnig hynny.

- Sicrhau bod y ddarpariaeth ar gyfer priodasau sifil a phartneriaethau sifil yn yr awyr agored yn parhau ar sail fwy parhaol, ac yn cael ei hymestyn i briodasau crefyddol, er mwyn galluogi cyplau i gael mwy o ddewis mewn perthynas â'u seremonïau. Byddai'n rhoi mwy o hyblygrwydd heb gynyddu'r baich gweinyddol ar leoliadau yn sylweddol.
- Cymaint â phosibl, i ddarparu cyfnod pontio di-dor o ddiwedd y rheoliadau diwygio sydd â chyfyngiad amser i'r rheoliadau diwygio newydd heb derfyn amser, gan sicrhau y gall priodasau sifil a phartneriaethau sifil yn yr awyr agored barhau ar ôl i'r OS presennol ddod i ben a sicrhau nad oes bwlch o ran cyfreithlondeb priodasau sifil yn yr awyr agored a phartneriaethau sifil ar safleoedd cymeradwy.

19. Mae diwygio o'r fath, er ei fod yn gulach ei gwmpas na chaniatáu i seremonïau ddigwydd mewn unrhyw ardal awyr agored, gellid ei weld fel cam posibl tuag at ddiwygio cynhwysfawr a chadarn diweddarach drwy waith Comisiwn y Gyfraith.

C. Grwpiau Rhanddeiliaid, Sefydliadau a Sectorau yr effeithir arnynt

20. Byddai'r opsiynau a asesir yn yr Asesiad Effaith hwn yn effeithio'n uniongyrchol ar y grwpiau canlynol:

- Cyplau sy'n priodi mewn seremoni sifil neu'n ymrwymo i bartneriaeth sifil.
- Cyplau'n priodi mewn seremoni grefyddol.
- Cofrestryddion ac awdurdodau lleol.
- Y Swyddfa Gofrestru Gyffredinol (GRO), sy'n cadw cofnodion o briodasau a phartneriaethau sifil yng Nghymru a Lloegr.
- Lleoliadau gyda safleoedd addas yn yr awyr agored, yn ogystal â'r rheini heb safleoedd addas yn yr awyr agored, a'r diwydiant lleoliadau priodasau a phartneriaethau sifil ehangach.
- Cyrff crefyddol a pherchnogion neu ymddiriedolwyr manau addoli sy'n dymuno cynnig priodasau yn yr awyr agored dan gyfraith Cymru a Lloegr.

D. Disgrifiad o'r Opsiynau a Ystyriwyd

21. Er mwyn cyflawni'r amcanion polisi hyn, mae'r opsiynau canlynol yn cael eu hystyried yn yr Asesiad Effaith hwn:

- **Opsiwn 0: Gwneud dim (Ilinell sylfaen). Gadael i'r OS presennol ddod i ben ar 5 Ebrill 2022.**
- **Opsiwn 1: Diwygio Rheoliadau Priodasau a Phartneriaethau Sifil (Safleoedd Cymeradwy) 2005 ('Rheoliadau 2005') drwy Offeryn Statudol newydd a fyddai'n dod i rym ar unwaith a heb gyfyngiad amser**

- **Opsiwn 2: Diwygio deddfwriaeth gan gynnwys Deddf Priodasau 1949 yn bennaf drwy Orchymyn Diwygio Deddfwriaethol i ganiatáu priodasau crefyddol yn yr awyr agored o fewn tiroedd mannau addoli lle mae'n rhaid i briodasau crefyddol gael eu cynnal ar hyn o bryd**

22. Opsiwn 1 a 2 yw'r opsiynau sy'n cael ei ffafrio gan mai nhw sy'n bodloni'r amcanion polisi a nodir uchod orau.

Opsiwn 0 – Gwneud dim: Gadael i'r OS a'r diwygiadau presennol ddod i ben ar 5 Ebrill 2022.

23. O dan yr opsiwn hwn, byddai'r OS presennol yn dod i ben ar ddiwedd 5 Ebrill 2022, heb gynnig unrhyw ddarpariaeth o unrhyw fath yn ei le, ac ni fyddai unrhyw orchymyn diwygio deddfwriaethol yn cael ei osod i ddarparu ar gyfer priodasau crefyddol yn yr awyr agored. Byddai hyn felly'n dileu'r holl ddarpariaethau ar gyfer seremonïau priodas a phartneriaeth sifil yn yr awyr agored fel y nodir yn yr OS presennol, heb unrhyw ddewis arall addas neu gymradwy ar gyfer cyplau sy'n gobeithio cael seremoni yn yr awyr agored, a heb unrhyw ddarpariaeth ar gyfer priodasau crefyddol yn yr awyr agored, hyd nes y bydd y Llywodraeth yn gwneud unrhyw benderfyniadau gan ystyried argymhellion Comisiwn y Gyfraith.

24. Gan fod y tymor brig ar gyfer priodasau yn dechrau ym mis Ebrill ac yn rhedeg tan ddiwedd mis Medi, ni fyddai unrhyw gyplau a oedd yn dymuno cael seremoni sifil awyr agored ar safle cymeradwyo yn ystod haf 2022 yn gallu gwneud hynny pe bai'r OS presennol yn dod i ben heb gael ei ddisodli. Felly, byddai'r hyblygrwydd ychwanegol a gynigir gan yr OS presennol yn cael ei golli, a byddai'r opsiynau o leoliadau posibl ar gyfer seremonïau'n cael eu cyfyngu unwaith eto. Ni fyddai'r dewis a'r hyblygrwydd ychwanegol y byddai gorchymyn diwygio deddfwriaethol yn ei gynnig i gyrff crefyddol a chyplau sy'n dymuno cael seremonïau crefyddol yn yr awyr agored erbyn tua 2023 ar gael ychwaith.

Opsiwn 1: Diwygio Rheoliadau Priodasau a Phartneriaethau Sifil (Safleoedd Cymeradwy) 2005 ('Rheoliadau 2005') drwy Offeryn Statudol newydd a fyddai'n dod i rym ar unwaith a heb gyfyngiad amser

25. Byddai'r opsiwn hwn yn golygu gwneud diwygiadau i Reoliadau 2005, yn amodol ar yr ymgynghoriad hwn, a fyddai'n parhau â'r ddarpariaeth a wnaed ar 1 Gorffennaf 2021 ar gyfer seremonïau priodas sifil a phartneriaeth sifil yn yr awyr agored. Fodd bynnag, byddai'r OS hwn am gyfnod amhenodol.

26. Byddai'r diwygiadau hyn yn gymwys i seremonïau priodas sifil a ffurfio partneriaeth sifil (gan gynnwys ffurfio partneriaeth sifil mewn safle crefyddol lle mae'r safle hwnnw'n gymeradwy at y diben penodol hwnnw). Byddai'r opsiwn hwn felly'n galluogi'r polisi cyfredol i barhau ac felly i seremonïau yn yr awyr agored gael eu caniatáu am gyfnod amhenodol wrth aros am ganlyniadau adroddiad Comisiwn y Gyfraith ac argymhellion polisi dilynol.

27. Byddai'r diffiniad o "safle" yn cael ei ddiwygio i gynnwys y "safle adeiledig" ynghyd ag unrhyw "fannau awyr agored cysylltiedig". Caiff safleoedd adeiledig eu diffinio fel "strwythur parhaol ansymudol sy'n cynnwys o leiaf un ystafell, neu unrhyw gwch neu long sydd wedi'i angori'n barhaol" a byddai ardaloedd awyr agored cysylltiedig yn cael

eu diffinio fel “unrhyw ardaloedd o fewn ffin y tir y mae’r safle adeiledig yn rhan ohono, nad ydynt dan do ac y gellir eu defnyddio ar y cyd â’r safle adeiledig”. Bwriad hyn yw cofnodi lleoliadau awyr agored o fewn ffin yr un eiddo â’r safle cymeradwy

28. Ar ben hynny, mae effeithiau cyfyngiadau Covid-19 ar y diwydiant priodasau wedi bod yn ddifrifol. Bu’n rhaid i filoedd o gyplau ohirio neu ganslo eu priodas neu bartneriaeth sifil arfaethedig yn 2020 ac yn 2021. Byddai pontio’n ddi-dor os yw’n bosibl rhwng yr offerynnau statudol presennol a’r rhai arfaethedig felly’n parhau i ddarparu’r opsiwn awyr agored i gyplau sy’n aildrefnu eu seremonïau.
29. Felly, mae Opsiwn 1 yn un o’r opsiynau sy’n cael ei argymhell gan y byddai, gymaint â phosibl, yn pontio’n ddi-dor rhwng yr OS presennol sydd â chyfyngiad amser a’r diwygiadau newydd, amhenodol, gan osgoi unrhyw darfu posibl y byddai toriad mewn darpariaethau deddfwriaethol yn ei achosi i briodasau a phartneriaethau sifil yn yr awyr agored. Ar ben hynny, byddai’n osgoi unrhyw ddryswch posibl ynghylch cyfreithlondeb seremonïau sifil yn yr awyr agored.
30. Byddai’r rheoliadau hyn yn ymestyn i Gymru a Lloegr. Mae cyfraith priodasau a phartneriaethau sifil yn fater a gedwir yn ôl yng nghyswllt Cymru. Mae cyfraith priodas a phartneriaeth sifil wedi’i datganoli i Ogledd Iwerddon a’r Alban.

Opsiwn 2: Ymestyn y ddarpariaeth o seremonïau yn yr awyr agored i briodasau crefyddol drwy Orchymyn Diwygio Deddfwriaethol ar wahân

31. Byddai’r opsiwn hwn yn golygu darparu ar gyfer seremonïau yn yr awyr agored i gyplau sy’n dymuno cael priodasau crefyddol drwy Orchymyn Diwygio Deddfwriaethol. Byddai hyn yn rhoi mwy o ddewis a hyblygrwydd i gyplau sy’n dymuno cael priodasau crefyddol ac i gyrff crefyddol, gan y byddai Opsiwn 1 yn darparu ar gyfer cyplau sy’n dymuno cael seremonïau sifil ac adeiladau cymeradwy sy’n eu cynnal.
32. Mae’r Llywodraeth yn cynnig darparu ar gyfer priodasau crefyddol yn yr awyr agored yn gyffredinol drwy fabwysiadu dull tebyg i’r un a gynigiwyd ar gyfer safleoedd cymeradwy. Hynny yw, tybio bod manau addoli, at ei gilydd, yn cynnwys yr ardaloedd awyr agored o fewn ffiniau eiddo’r ystafelloedd neu’r adeiladau y mae’n rhaid gweinyddu priodasau ynddynt ar hyn o bryd. Fodd bynnag, oherwydd y gwahaniaethau yn y fframwaith cyfreithiol sy’n rheoli priodasau crefyddol, a’r gwahaniaethau ychwanegol yn y fframweithiau ar gyfer gwahanol grefyddau, mae’r Llywodraeth yn gwneud y cynnig a ganlyn:
- Yn gyntaf, tybio’n awtomatig bod capeli ac eglwysi Anglicanaidd yn cynnwys yr ardaloedd awyr agored o fewn ffiniau’r eiddo.
 - Ar gyfer crefyddau lle mae’n rhaid cofrestru manau addoli ardystiedig o dan Ddeddf Priodasau 1949 er mwyn i briodasau gael eu gweinyddu, byddai’n cael ei ystyried yn awtomatig bod y cofrestradau’n cynnwys yr ardaloedd awyr agored o fewn ffiniau’r eiddo.
33. Byddai’r opsiwn hwn yn golygu bod angen diwygio deddfwriaeth sylfaenol, ac oherwydd yr amserlenni hirach sy’n gysylltiedig â gorchymyn diwygio deddfwriaethol, ni fyddai darpariaethau sy’n caniatáu seremonïau crefyddol yn yr awyr agored yn gallu

dod i rym ym mis Ebrill 2022 fel yng nghyswllt yr OS arfaethedig ar gyfer seremonïau sifil, ond yn hytrach byddai'n dod i rym yn 2023 ar y cynharaf.

34. Felly, mae Opsiwn 2 hefyd yn cael ei argymhell ar y cyd ag opsiwn 1 gan mai'r rhain, gyda'i gilydd, sy'n bodloni orau yr amcanion polisi a nodwyd yn gynharach.

Opsiynau Eraill a ystyriwyd

35. Nid yw'r Llywodraeth yn cynnig ymestyn seremonïau yn yr awyr agored i seremonïau priodasau a partneriaethau sifil a gynhelir mewn swyddfeydd cofrestru, nac mewn lleoliadau eraill fel preswylfeydd pobl 'sy'n gaeth i'r tŷ' neu'n 'cael eu cadw'n gaeth'. Caniateir y lleoliadau eithriadol hyn drwy statud mewn amgylchiadau lle nad yw unigolion yn gallu mynychu seremonïau mewn lleoliadau sy'n ofynnol fel arall oherwydd salwch, anabledd neu eu bod yn cael eu cadw mewn carchar neu ysbyty diogel. Mae'r Llywodraeth yn cynnig peidio â gwneud hynny gan nad yw'n ymwybodol o unrhyw dystiolaeth fod galw am seremonïau yn yr awyr agored ar gyfer y lleoliadau eithriadol hyn. Yn hytrach, bydd y Llywodraeth yn ystyried y mater hwn fel rhan o'i hystyriaeth o argymhellion Comisiwn y Gyfraith ar gyfer diwygio cyfraith priodas yn sylfaenol.

36. Nid yw'r Llywodraeth ychwaith yn cynnig ymestyn seremonïau yn yr awyr agored i ystod ehangach o leoliadau awyr agored h.y. i ardaloedd nad ydynt yn gysylltiedig ag adeiladau cymeradwy neu fannau addoli. I wneud hyn, byddai angen diwygio'r gyfraith yn fwy sylfaenol o ran ble y dylai bod modd cynnal seremonïau priodas a phartneriaethau sifil (gan gynnwys torri'r cysylltiad presennol â'r gofynion ar gyfer lleoli priodasau sy'n llifo o adeiladau), yn ogystal ag ystyried gofynion cymeradwyo a rheoleiddio newydd cynhwysfawr ar gyfer mannau awyr agored. Yn hytrach, bydd y Llywodraeth yn ystyried y diwygiadau ehangach hyn yn ofalus ar ôl i Gomisiwn y Gyfraith ddarparu ei argymhellion.

E. Dadansoddiad o'r Costau a'r Manteision

37. Mae'r Asesiad Effaith hwn yn dilyn y gweithdrefnau a'r meini prawf a nodir yn y Canllawiau ar gyfer Asesiad Effaith ac mae'n gyson â Llyfr Gwyrdd Trysorlys EM.

38. Mae'r Asesiad Effaith hwn yn nodi'r effeithiau ar unigolion, grwpiau a busnesau yng Nghymru a Lloegr, gyda'r nod o ddeall beth fyddai effaith gyffredinol gweithredu'r opsiynau a ystyriwyd ar gymdeithas. Fel arfer, mae Asesiadau Effaith yn rhoi pwyslais cryf ar brisio'r costau a'r manteision mewn termau ariannol (gan gynnwys amcangyfrif gwerth nwyddau a gwasanaethau nad ydynt yn cael eu masnachu). Fodd bynnag, mae agweddau pwysig na ellir rhoi gwerth ariannol synhwyrol arnynt a allai gynnwys sut mae'r polisi'n effeithio'n wahanol ar grwpiau penodol o'r gymdeithas neu newidiadau mewn ecwiti a thegwch.

39. Mae costau a manteision pob opsiwn fel arfer yn cael eu cymharu â'r opsiwn 'gwneud dim' neu 'gwrthffeithiol', i ddangos effeithiau posibl diwygio. Yn yr achos hwn, yr opsiwn 'gwneud dim' yw gadael i'r OS a gyflwynwyd ym mis Mehefin 2021 ddod i ben ar 5 Ebrill 2022, a fyddai'n atal priodasau a phartneriaethau sifil yn yr awyr agored rhag parhau i gael eu caniatáu ar safleoedd cymeradwy. Byddai hefyd yn golygu na fyddai unrhyw newid deddfwriaethol i ganiatáu priodasau crefyddol yn yr awyr agored ar gyfer

crefyddau nad ydynt eisoes yn caniatáu seremonïau o'r fath. Wrth gymharu'r sefyllfa wrthffeithiol â'i hun, mae ei chostau a'i manteision yn sero, fel ei Gwerth Cyfredol Net.

40. Dim ond effeithiau heb werth ariannol sydd wedi cael eu cynnwys yn yr Asesiad Effaith hwn. Nid yw wedi bod yn bosibl mesur gwerth ariannol effeithiau'r opsiwn sy'n cael ei ystyried. Y rheswm a hyn yw mai cyfyngedig yw'r dystiolaeth bod safleoedd cymeradwy yn manteisio ar y cyfle i ddefnyddio ardaloedd awyr agored cysylltiedig o dan yr OS a gyflwynwyd ym mis Mehefin 2021. Nid oedd y Swyddfa Gofrestru Gyffredinol yn gallu darparu data ychwanegol ynghylch faint o bobl sydd wedi ymgymryd â seremonïau sifil yn yr awyr agored. Fodd bynnag, mae'r ymatebion i'r ymgynghoriad yn dangos bod seremonïau sifil yn boblogaidd. Mae tystiolaeth hefyd yn awgrymu mai bach yw'r costau o ran darparu seremonïau awyr agored i leoliadau, gyda rhai lleoliadau'n bwriadu codi ffioedd ychwanegol ar y rheini sy'n gofyn am seremoni sifil yn yr awyr agored i wrthbwyo costau ychwanegol. Yn ail, yn achos Opsiwn 2, nid yw'n glir pa gyfran o gyrrff crefyddol (a pha gyfran o fannau addoli unigol o fewn y crefyddau hynny) fyddai'n dymuno caniatáu priodasau yn yr awyr agored. O'r herwydd, mae'r costau a'r buddion sy'n gysylltiedig ag Opsiwn 2 yn dal yn fwy ansicr nag yn achos Opsiwn 1.

Opsiwn 1: Diwygio Rheoliadau Priodasau a Phartneriaethau Sifil (Safleoedd Cymeradwy) 2005 ('Rheoliadau 2005') drwy Offeryn Statudol newydd na fyddai'n cynnwys cyfyngiad amser

Costau Opsiwn 1

Lleoliadau gyda manau addas yn yr awyr agored a'r diwydiant lleoliadau priodasau/partneriaethau sifil ehangach

Costau sy'n gysylltiedig â chymeradwyo safleoedd

41. Dylid nodi na fydd yn rhaid i unrhyw leoliad gynnig seremonïau yn yr awyr agored o ganlyniad i Opsiwn 1. O'r herwydd, ni fydd Opsiwn 1 yn golygu bod lleoliadau'n ysgwyddo costau newydd yn awtomatig. Felly, dim ond i leoliadau sy'n dewis cynnig seremonïau yn yr awyr agored y mae'r costau a ddisgrifir isod yn berthnasol.
42. Bydd lleoliadau sydd eisoes wedi cael eu cymeradwyo ar gyfer defnyddio ystafell(oedd) dan do yn wynebu cost amser o ran rhoi gwybod i'w hawdurdod lleol am eu bwriad i ddefnyddio manau awyr agored o fewn yr un ffiniau â'r tir y mae'r safle adeiledig yn rhan ohono. Ar ben hynny, gall lleoliadau wynebu cost amser sy'n gysylltiedig ag arolygu a chadarnhau bod y manau awyr agored cysylltiedig yn 'weddus ac yn urddasol' cyn unrhyw seremoni.
43. Bydd lleoliadau sy'n gwneud ceisiadau newydd am gymeradwyaeth, neu'r rheini sydd i fod i adnewyddu eu cymeradwyaeth, yn wynebu cost amser o ran datblygu cynllun o ffiniau eu safle i gyd-fynd â'u cais i'w hawdurdod lleol¹. Ar wahân i hyn, byddai eu cais am gymeradwyaeth yn dilyn yr un broses ag y byddai ar gyfer lle dan do, felly bydd cost ychwanegol o ran amser ar gyfer arolygu'r safle awyr agored ochr yn ochr â'r man dan do.

¹ Ni fydd angen i leoliadau nodi ar y cynllun ym mha leoliadau penodol yn yr ardaloedd awyr agored cysylltiedig y byddai seremonïau'n cael eu cynnal

44. Gallai'r opsiwn hwn greu pwysau cystadleuol ychwanegol i gwmnïau yn y diwydiant lleoliadau priodasau a partneriaethau sifil. Efallai y bydd lleoliadau sy'n gallu cynnal seremonïau yn yr awyr agored â mantais gystadleuol dros leoliadau sydd ddim yn gallu cynnig y dewis hwn. Er enghraifft, efallai y bydd lleoliad sydd â digon o le yn yr awyr agored yn gallu cynnal gwledd a seremoni briodas. Gallai hyn olygu bod lleoliadau sydd â gofod awyr agored eisoes, neu sydd â'r capasiti i greu gofod o'r fath, yn cael mwy o refeniw o'u cymharu â lleoliadau nad ydynt yn gallu gwneud hynny.
45. Nid ydym yn dehongli y bydd yr effeithiau cystadleuaeth hyn yn arwain at fantais neu gost net i'r diwydiant lleoliadau'n ehangach, fodd bynnag, oherwydd rydym yn dehongli'r canlyniad disgwylidig fel trosglwyddiad refeniw o leoliadau llai cystadleuol i rai mwy cystadleuol. Nid oes disgwyl i'r mesur gynyddu'r galw am briodasau neu bartneriaethau sifil mewn modd ystyrlon. Felly, ni fyddem yn disgwyl i'r diwydiant lleoliadau priodas ehangach wynebu cost na mantais ystyrlon o ganlyniad i'r mesur hwn.

Costau sy'n gysylltiedig â threfnu cynlluniau wrth gefn rhag ofn y ceir tywydd garw

46. O dan Opsiwn 1, bydd angen i leoliadau gynnig cynlluniau wrth gefn ar gyfer seremonïau yn ystod tywydd anffafriol. Gan y bydd angen i leoliadau gael cymeradwyaeth ymlaen llaw ar gyfer manau dan do ac yn yr awyr agored, bydd angen i leoliadau sicrhau bod eu cyfleusterau dan do ar gael fel lle wrth gefn. Felly, efallai y bydd lleoliadau'n wynebu rhywfaint o gostau y bydd yn rhaid eu talu ymlaen llaw, er enghraifft, costau sy'n gysylltiedig â sicrhau bod seddi ychwanegol wrth gefn ar gael.
47. Gan y byddai'r costau hyn yn deillio o benderfyniad masnachol i gynnig priodasau neu seremonïau partneriaeth sifil yn yr awyr agored, yr unig leoliadau a fyddai'n wynebu'r costau hyn fyddai'r rheini y mae eu cost o drefnu cynlluniau wrth gefn yn cael ei wrthbwysu gan gynydd yn eu hincwm o ganlyniad i gynnig amrywiaeth ehangach o seremonïau priodas neu bartneriaethau sifil.

Cofrestryddion ac Awdurdodau Lleol

48. Bydd Cofrestryddion a gyflogir gan awdurdodau lleol yn wynebu cost ychwanegol fechan o ran amser er mwyn asesu cynlluniau o ffiniau safleoedd ar gyfer lleoliadau sy'n gwneud ceisiadau newydd.

Manteision Opsiwn 1

Cyplau sy'n priodi mewn seremoni sifil neu sy'n ffurfio partneriaeth sifil.

49. Efallai y bydd yn well gan rai cyplau sy'n dymuno priodi drwy seremoni sifil neu drwy ymrwymo i bartneriaeth sifil gynnal eu seremoni yn yr awyr agored. Bydd y darpariaethau o dan Opsiwn 1 yn caniatáu i hyn barhau i ddigwydd mewn lleoliadau gyda manau awyr agored cymeradwy o 6 Ebrill 2022 ymlaen. Felly, bydd cyplau'n parhau i gael mwy o ddewis a hyblygrwydd o ran dathlu seremonïau sifil.
50. Gallai effeithiau'r gystadleuaeth a amlinellir ym mharagraff 44 annog lleoliadau heb fannau awyr agored i ostwng eu prisiau er mwyn aros yn gystadleuol. Yn yr achos hwn,

mae'n bosibl y bydd cyplau sy'n priodi mewn seremoni sifil neu sy'n ffurfio partneriaeth sifil nad ydynt yn bwriadu priodi yn yr awyr agored yn talu prisiau is o ganlyniad i Opsiwn 1.

Opsiwn 2 - Diwygio deddfwriaeth gan gynnwys Deddf Priodasau 1949 yn bennaf drwy Orchymyn Diwygio Deddfwriaethol i ganiatáu priodasau crefyddol yn yr awyr agored o fewn tir manau addoli lle mae'n rhaid i briodasau crefyddol gael eu cynnal ar hyn o bryd.

Costau Opsiwn 2

Cyrrff crefyddol a pherchnogion neu ymddiriedolwyr manau addoli sy'n dymuno cynnig priodasau yn yr awyr agored

51. Dim ond manau addoli sy'n dymuno dechrau gweinyddu priodasau o ganlyniad i Opsiwn 2 fydd yn wynebu costau. Ni fydd Opsiwn 2 yn creu dim cost ychwanegol ar gyfer manau addoli a fydd wedi bwriadu gweinyddu priodasau yn absenoldeb Opsiwn 2.
52. Rydym yn rhagweld y bydd cyrrff crefyddol yn wynebu costau isel, sy'n gysylltiedig â phenderfynu cynnig priodasau yn yr awyr agored ar dir eu manau addoli. Y rheswm am hyn yw na fydd yr opsiwn arfaethedig yn creu unrhyw ofynion newydd i gyrrff crefyddol o ran ceisio cymeradwyaeth. Fel gyda'r fframwaith deddfwriaethol presennol, bydd y llywodraeth yn ystyried mai mater i'r cyrrff crefyddol yw penderfynu a ddylid cynnig priodasau yn yr awyr agored yn ôl eu ffydd ar dir eu safleoedd crefyddol, ac o dan ba amgylchiadau y byddent yn gwneud hynny. Ni fu modd mesur y costau hyn.
53. Ar gyfer priodasau Anglicanaidd, tybir yn awtomatig y bydd eglwysi a chapeli sydd wedi'u hawdurdodi drwy drwydded esgob yr esgobaeth i weinyddu priodasau yn cynnwys yr ardal awyr agored sydd o fewn ffiniau'r eiddo. Byddai capeli nad ydynt wedi'u hawdurdodi ar hyn o bryd i weinyddu priodasau yn cael eu hawdurdodi drwy drwydded yr esgob, ac mae gweithdrefnau i roi gwybod i'r Cofrestrydd Cyffredinol am y capeli hyn. Ond, ni fydd angen rhoi gwybod i'r Cofrestrydd Cyffredinol am fwrriad i ddefnyddio manau awyr agored y capeli ar gyfer priodas.
54. Ar gyfer y capeli hynny nad ydynt wedi'u trwyddedu ar hyn o bryd, bydd cost amser fechan yn codi gan y bydd angen i esgob yr esgobaeth hysbysu'r Cofrestrydd Cyffredinol os rhoddir trwydded newydd i weinyddu priodasau a chofrestru materion penodol yng nghofrestr yr esgobaeth.
55. Ar gyfer crefyddau lle mae'n rhaid cofrestru manau addoli dan Ddeddf Priodasau 1949 er mwyn gallu gweinyddu priodasau yn y lleoliadau hynny (h.y. pob ffydd ac eithrio'r ffydd Anglicanaidd, y ffydd Iddewig a'r Crynwr), byddai hefyd yn cael ei hystyried yn awtomatig bod unrhyw gofrestrriad newydd i weinyddu priodasau mewn man addoli yn cynnwys y tir awyr agored o fewn ffiniau eiddo'r man addoli. Felly, dim ond cost amser fechan (i gofrestru) fydd yn rhaid i gyrrff crefyddol neu berchnogion neu ymddiriedolwyr eraill y manau addoli hyn eu talu yn yr achosion hyn. Ar gyfer manau addoli sydd eisoes wedi'u cofrestru i weinyddu priodasau, ni fydd yn rhaid iddynt dalu unrhyw gostau o gwbl.

56. Efallai y bydd angen i rai cyrff crefyddol sy'n penderfynu cynnig priodasau yn yr awyr agored newid eu cyfreithiau neu eu harferion eu hunain i ganiatáu priodasau yn yr awyr agored. Gall hyn hefyd olygu cost amser i'r cyrff hyn.

57. Mae'n bosibl y bydd rhai cyplau a fyddai fel arall yn priodi drwy ddefnyddio seremoni sifil (oherwydd bod eu dymuniad i briodi yn yr awyr agored yn drech na'u dewis i briodi drwy ddefod grefyddol) yn dewis priodi mewn seremoni grefyddol dan Opsiwn 2. Yn yr achos hwn, bydd rhai priodasau a fyddai fel arall wedi cynhyrchu refeniw ar gyfer lleoliadau priodas sifil nawr yn cynhyrchu refeniw ar gyfer cyrff crefyddol. Bydd hyn yn arwain at drosglwyddo o leoliadau priodas sifil i gyrff crefyddol, ond ni fydd yn effeithio ar les yn gyffredinol yn unol â chanllawiau Llyfr Gwyrdd Trysorlys Ei Mawrhydi² (gweler tudalen 58). Oherwydd y lefel uchel o ansicrwydd, ni fu'n bosibl modelu graddfa'r trosglwyddiad dichonol hwn.

Costau sy'n gysylltiedig â threfnu cynlluniau wrth gefn rhag ofn y ceir tywydd garw

58. O dan Opsiwn 2, mae'n debygol y bydd mannau addoli yn dymuno cynnig cynlluniau wrth gefn ar gyfer seremonïau pan fo'r tywydd yn anffafriol. Mae'n debyg y bydd mannau addoli yn dymuno darparu cyfleusterau eraill dan do fel lle wrth gefn. Felly, efallai y bydd mannau addoli'n wynebu rhywfaint o gostau y bydd angen iddynt eu talu ymlaen llaw, er enghraifft, costau sy'n gysylltiedig â sicrhau bod seddi ychwanegol wrth gefn a/neu orchuddion awyr agored ar gael.

59. Gan y bydd y costau hyn yn deillio o benderfyniad ymlaen llaw i gynnig priodasau yn yr awyr agored, yr unig fannau addoli a fydd yn wynebu'r costau hyn fydd y rheini lle mae'r gost o drefnu cynlluniau wrth gefn o'r fath yn fwy na'r incwm ychwanegol a fydd yn deillio o gynnig amrywiaeth ehangach o briodasau. Fodd bynnag, byddwn yn disgwyl i grwpiau crefyddol addasu'r ffioedd maent yn eu codi ar gyfer priodasau i adlewyrchu costau cynlluniau wrth gefn o'r fath.

Manteision Opsiwn 2

Cyplau'n priodi mewn seremoni grefyddol

60. Efallai y bydd yn well gan rai cyplau sy'n dymuno priodi drwy seremoni grefyddol i'w seremoni gael ei chynnal yn yr awyr agored. Bydd y darpariaethau dan Opsiwn 2 yn caniatáu i hyn ddigwydd ar gyfer pob ffydd, ar yr amod bod y ffydd grefyddol dan sylw yn caniatáu hynny. Felly, bydd Opsiwn 2 yn creu mwy o ddewis a hyblygrwydd i gyplau sy'n dymuno dathlu priodas grefyddol.

61. Gallai'r cynnydd yn y gystadleuaeth a allai godi yn sgil hyn annog mannau addoli heb ofod awyr agored i ostwng eu prisiau er mwyn aros yn gystadleuol. Yn yr achos hwn, mae'n bosibl y bydd cyplau sy'n priodi mewn seremoni grefyddol nad ydynt yn bwriadu priodi yn yr awyr agored yn talu prisiau is o ganlyniad i Opsiwn 2.

F. Risgiau a Thybiaethau

² Y Llyfr Gwyrdd (publishing.service.gov.uk)

62. Mae'r dadansoddiad uchod yn seiliedig ar amryw o dybiaethau. Yn yr adran hon, rydym yn nodi'r prif dybiaethau a wnaed mewn perthynas â phob opsiwn a'r prif risgiau a allai godi pe na baent yn gywir.

Opsiwn 1 – Priodasau Sifil/Partneriaethau Sifil yn yr awyr agored

Nifer y lleoliadau a'r seremonïau priodas sifil/partneriaeth sifil yr effeithir arnynt

63. Mae tystiolaeth yn dilyn yr ymgynghoriad yn awgrymu bod seremonïau sifil yn yr awyr agored yn boblogaidd. Fodd bynnag, mae'r ymatebion hefyd yn awgrymu bod costau darparu gofod awyr agored yn isel neu y bydd lleoliadau'n gwrthbwysu'r costau hyn drwy godi ffioedd ychwanegol. O'r herwydd, rhagwelir mai bach fyddai unrhyw gostau neu fanteision cysylltiedig ag Opsiwn 1.

Effaith cyfyngiadau Covid ar bresenoldeb mewn seremonïau

64. Ers mis Chwefror 2022, nid oes cyfyngiadau ar bresenoldeb mewn priodasau yng Nghymru³ a Lloegr⁴ yng nghyswllt Covid. At ddibenion yr Aseiad Effaith hwn, tybiwyd na fyddai cyfyngiadau'n cael eu hailgyflwyno o fis Ebrill 2022 ymlaen. Mae hon yn dybiaeth sydd wedi'i gwneud at ddibenion dadansoddi effaith ac ni ddylid ei dehongli fel arwydd o bolisi'r llywodraeth yn y dyfodol.

65. Os caiff cyfyngiadau eu hailgyflwyno, mae'n bosibl y byddai Opsiwn 1 yn cael effaith sylweddol ar nifer y seremonïau priodas neu bartneriaeth sifil sy'n digwydd yng Nghymru a Lloegr o'i gymharu ag Opsiwn 0. Gallai hyn ddigwydd os bydd cyfyngiadau'r llywodraeth yn caniatáu mwy o bresenoldeb mewn seremonïau a gynhelir yn yr awyr agored, tra'n cyfyngu ar, neu'n atal, presenoldeb mewn seremonïau dan do na fyddai efallai'n digwydd o ganlyniad.

66. Felly, os caiff cyfyngiadau Covid eu hailgyflwyno ar gyfer seremonïau priodas a phartneriaeth sifil, gallai'r darpariaethau o dan Opsiwn 1 arwain at fudd net i'r diwydiant lleoliadau ehangach o'i gymharu ag Opsiwn 0, gan y byddai'n caniatáu i seremonïau a fyddai fel arall yn cael eu gohirio fynd rhagddynt.

Opsiwn 2 – Seremonïau Crefyddol

Nifer y manau addoli a seremonïau priodas crefyddol yr effeithir arnynt

67. Ar hyn o bryd, nid oes data ar gael i weithredu fel sail ar gyfer amcangyfrif faint o fannau addoli a fyddai'n dymuno cyflwyno priodasau yn yr awyr agored o ganlyniad i roi Opsiwn 2 ar waith. O ganlyniad, ni fu'n bosibl mesur y costau sy'n gysylltiedig â'r mesur hwn er y rhagwelir mai bach fyddai unrhyw gostau sy'n gysylltiedig â'r mesur hwn. Er enghraifft, efallai y bydd costau amser yn gysylltiedig â grwpiau crefyddol sydd angen newid eu cyfreithiau eu hunain i ganiatáu priodasau yn yr awyr agored.

Effaith cyfyngiadau Covid ar bresenoldeb mewn seremonïau

³ [Coronafeirws \(COVID-19\): Seremonïau, derbyniadau a dathliadau priodas a phartneriaeth sifil – GOV.UK \(www.gov.uk\)](https://www.gov.uk)

⁴ [Lefel rhybudd 0: canllawiau i gyflogwyr, busnesau a sefydliadau | LLYW.CYMRU](https://www.gov.uk)

68. Ers mis Chwefror 2022, nid oes cyfyngiadau ar bresenoldeb mewn priodasau yng Nghymru⁵ a Lloegr⁶ yng nghyswllt Covid. At ddibenion yr Asesiad Effaith hwn, tybiwyd na fyddai cyfyngiadau'n cael eu hailgyflwyno. Mae hon yn dybiaeth sydd wedi'i gwneud at ddibenion dadansoddi effaith ac ni ddylid ei dehongli fel arwydd o bolisi'r llywodraeth yn y dyfodol. O ganlyniad, tybiwyd, yn absenoldeb unrhyw gyfyngiadau newydd, na fydd Opsiwn 2 yn cael unrhyw effaith sylweddol ar nifer y priodasau crefyddol yng Nghymru a Lloegr.
69. Os caiff cyfyngiadau eu hailgyflwyno, mae'n bosibl y bydd Opsiwn 2 yn cael effaith sylweddol ar nifer y priodasau crefyddol sy'n digwydd yng Nghymru a Lloegr o'i gymharu ag Opsiwn 0. Gallai hyn ddigwydd petai cyfyngiadau'r llywodraeth yn caniatáu mwy o bresenoldeb mewn seremonïau a gynhelir yn yr awyr agored, ond yn atal neu'n cyfyngu ar bresenoldeb mewn seremonïau dan do.
70. Felly, os *caiff* cyfyngiadau Covid eu hailgyflwyno ar seremonïau priodas crefyddol, rhagwelir y gallai'r darpariaethau o dan Opsiwn 2 arwain at fudd net i fannau addoli o'i gymharu ag Opsiwn 0, gan y byddai'n caniatáu i seremonïau a fyddai fel arall yn cael eu gohirio fynd rhagdynt.

G. Effeithiau Ehangach

Cydraddoldeb

71. I weld effaith y cynigion hyn ar gydraddoldeb, edrychwch ar y Datganiad Cydraddoldeb a gyhoeddwyd ochr yn ochr â'r Asesiad Effaith hwn.

Gwell Rheoleiddio

72. Ar hyn o bryd, mae'r opsiynau a gynigir yn cael eu hystyried yn ddarpariaethau rheoleiddio sydd ddim yn gymwys. Ar sail tystiolaeth yn deillio o'r ymgynghoriad, rhagwelir mai bach iawn fydd graddfa'r effaith ar y diwydiant lleoliadau ehangach. Er ei bod yn gyfyngedig, mae tystiolaeth yn awgrymu effaith fach debyg ar gyrrff crefyddol.

Goblygiadau posibl i fasnach

73. Nid oes unrhyw oblygiadau disgwylidig i fasnach ryngwladol yn deillio o'r cynnig.

H. Monitro a Gwerthuso

74. Byddai trefniadau monitro priodol yn cael eu pennu ar sail y dystiolaeth a fyddai ar gael.

⁵ [Coronafeirws \(COVID-19\): Seremonïau, gwleddau a dathliadau priodas a phartneriaeth sifil – GOV.UK \(www.gov.uk\)](https://www.gov.uk)

⁶ [Lefel rhybudd 0: canllawiau i gyflogwyr, busnesau a sefydliadau | LLYW.CYMRU](https://www.gov.uk)